

Atüri Ejecutivo Regua

Kuae arasa 2022 oyearomoa ojo yave, yandepuere yaecha mokoi susere reta oasa têtaguasu reta rupivae jare këreiko ipuere omomii korepoti opaetei rupi. Tenondegua, jaeko kuae mbaerasiguasu jekuaño oime, echa oyekuaagui Ómicron jeevae jeta rupi oipii retayévae kuae mbaerasi. Èrei katu, oyeapo guire mbaraviki jesegua jaeko moañono mbaerasi yopia regua omañoa jeta rupi oparapiti yevi. Echa oime ïru têtaguasu reta rupi opa oyeokendayé jeko pegua kuae jaeko China, tekoavai reta oyekuaa mbae guirokarea vaerävae mbaeti oyeupiti kavi jare jokuave jae mbaemboavai tuichague echa omañoa okuakuá mbae mee reta ïru têtaguasu reta koti echako jepiyae okovara reta kuae guatakarära reta mbae guirokareavaere.

Mokoia tekoavai yandepuere yaecha opaetei rupivae jaeko, ñoraroguasú oime oasa Ucrania jare Rusia ndivevae echa omboyepika tembiu reta jare tembipeka reta jepi, echako kuae têtaguasu retako jeta rupi guinoi ome vaerä. Jokuave jekopegua omboyepika mbae tuichague reta jepi, imambae peguavae jare jeite okuakuá ojovae kuae maemee oyapo ïru têtaguasu kotivae rupi. Kuae jeko pegua, mborokuai rupi banco central reta mbaraviki oyapo ikorepoti reguavae mbaeti omaño tuicha, echa omboyepi korepoti poruka reta jepi. Jokuáeramo, kuae mbaraviki oyeyapo jeseguavae, korepoti tuichague reta regua, omomichi potaecha mbaeapo reta. Jaeramo, oñearo mbae jepi reta omboyepi vaerävae gueruko ñemambeko tuicha rupi echa ipueretako ojo oväe opaetei têtaguasu reta rupi.

Èrei ñamae yave kuae teko regua kuae America del Sur rupi opako oyoaviavi. Kuaeko oasa echa amogüe tetaguasu reta oimeta oyekou mbae jepigue reta omboyepivaere echako oime güinoi mbaeyekou reta ivi pegua ome ïru têtaguasu reta koti, kuae reta jaeko Colombia, Argentina jare Bolivia. Kuae jeko pegua, opaete kuae mbae ome ïru tetaguasu kotivae reta pegua ikavi okuakuá ikorepoti, èrei katu, kuae ombaeguavae reta peguarä mbaeti ikavimbaeté

echa ikorepoti ogueyi.

Añave ñamae yave kërei kaviko oyekua kuae mbaeboepi reta regua Boliviave yave, oykuávae jaeko jeta rupi oñovatu reta ikorepoti Banco rupi, jare kuae oasaete okuakuá opaete kuae juri arasa rupina oime oasavaegui. Kuae oasako jeta rupi mbae oñemee ïru têtaguasu kotiramo jare jaenungavi ikotiägui korepoti ombou reta jëtara retapevaeramo. Jarevi, kuae oyemboguapi korepoti oikevae regua mokoi arasama jeta rupi oike. Oyekuaama mbaraviki reta oyemboipiyema oyeyapo oi kuae ñanerëtaguasupevae jare mbae jepigue reta oyepivae rupi oporomoätägätu ipuere vaerä ikorepoti ombombaravikika. Jokoräiñovi, mbaraviki oyeyapo kuae Inversión Directa Bruta jeevae jekuaño imae kuae mbaraviki oyapokavae reta koti Industria Manufacturera, hidrocarburo jare Minería jeevae reta. Opaete kuae korepoti reta oike ikotiägüivae jaeko oyeyapo kavi mbaraviki reta jeseguaramo.

Kuae jekope, BCB jekuaño oporombori okuakuá vaerä korepoti reta jarevi jei ikavi omboguataka vaerä opaete mbaemboepi reta oimevae, oñemotenondevae jaeko, tembiporu reta oyeyapogue ipuere vaerä omomiräta mbaeporara reta korepoti regua. Korepoti oimevae, ipuere vaerä imambae pegua oyeeiki oñemoai vaerä opaete rupi mbaraviki reta, oyeyapoko korepotiporu rupi echa kuae reta oyeyokoko oi Fondos CPVIS II jare III jeevae ndive. 2022pe, oñemopüa Fondo CPRO jeevae jare jeta rupi oporombori echa kuaeko mbaeti jeta arire pegua èrei jeseve ombori kianungañavo oeka korepoti oiporu vaerävae IFD jare CAC retagui. Kuae mbaepoki reta rupi, korepoti oiporuka retavae jeta rupivi oyapí reta korepoti, jare jokuave jeko pegua oiporukavi korepoti kuae mbaraviki jeta rupi oyapovae retape echa jaeramovi omboipi retayé iparaviki.

lyaveiñovi, jokuave tape rupi, jaenungavi oyeporuko tembiporu reta oime mborokuai jei ramivae. Kuae jekope, BCB jekuaño oiparaviki Operaciones de

Mercado Abierto jeevae ndive, echa oporomboriko oñemoai vaerä mbaraviki reta korepoti regua. Jekuaeñovi oñeangareko opaete oipota oikuavae reta pegua, yepemona mbaeti mbaté jeta rupi oyeyapo, èrei oyeechavae jaeko jeta rupi ipuere vaerä oiporu korepoti jare oyemboepi chupe reta vaerä Fondo RAL iyembori ndive.

BCB oyombori reve Orgáno ejecutivo ndive, jekuaeño oparaviki reta ipuere vaerä kuae korepotipoepi jepi oiko jenda rupiño, jokuae jeko peguavi yande korepoti kuae peguaguai ipirätavi niringo reta ikorepotigui, aniara oime mbae jepi reta oyeupi oyereyu yave opaño mbaembae reta ñru tétaguasu reta kotigüi, jayaveko opaetevae oiporuta jare oñemoaita jare oñeangareko kavita yande koreti kuae peguaguai. Kuae jenda rupiño oiko korepotipoepi jepivae jaenungavi ikavi oë echa jokuae jeko pegua Bolivia jee ivate oyekuaa echa mbaeti ikorepoti ogueyi ñeñru tétaguasu reta ikorepoti ogueyi rami, jaeramo oporomborivi jeiete ipiräta vaerä, mbae jepi reta, opaeta kuae ñanerétaguasupe oyeyapo ani oñerenoevae reta. Jaenungavi, ogueyi kuae korepoti dólar oyeporuvae yamomboyovake yave ñru arasa reta ndive, EIF mbaetima omeé mbaté jare BCB omeé EIFpepevae oñemomichi.

Ñamae yave mbae jepi oyeupirakovaere, oñeangareko kavi mbae jepi retare. Jaeramo, Bolivia oechaka yandevae jaeko jaeñoete mbaeti mbae jepi oupi opaeteivaegüi, yepemona opaño mbae oasatëi ñru tétaguasu reta rupi, echa jokuae reta jeko peguako, mbaeti oporomborivi mbaté opaeteivae rupi jare jokoräiñovi mbae jepi reta omboyeupika imambae pegua. Kuae oasa vaerä ñamaetaviko kuae mbae yau vaerävae reta oñemeevaere, echa jekuaeño oyeparaviki oime vaerä kërai oñeangareko mbae oñemee kuae ñanerétapevaere, oyeporu kavi mborokuai reta korepotipoepi regua jare jaenungavi oï ndaivi ñemambeko gueru kuae ñoräroguasu oime Ucraniapevae. Èrei katu, kuae ara reta oyepoepivae güeruvi yemboavai mboyasi rupi, mbae yauvae jepi reta oyeupi, kuaepe yandepuere yae urusoo jare kaavo reta; èrei jokuae oasa reve, kuae jepi reta oikoko oñearo ramiño ñemae oyeyapo rami.

Kuae korepoti ñovatu regua, jekueñovi ikavi oyekuaa yepemona opitatëi mbaemboepi reta impuesto reta regua, jokuae oechaka yandevae jetavae rupi jekuaeño oyeko kuae korepoti mbaravikire. Jokoräiñovi, oyekuaa korepoti poruka reta okuakuávae araivi yasi guivema echa mburuvicha retako jei ipuere vaerä ñae tenonde opaete reve echako kuae mbaerasiguasu jekopegua jenda rupiño mbaembae reta opa opita. Kuae korepoti ñovatu reta oyeyapovae jaenungavi

oechauka yandevae ikaviyae rupi okuakuá ojo opaete yande korepoti reta oñemoiruvae, jare kuae korepotiangareko reta ojäävae oechakavi yandevae okuakuá arasa rupi jare jenda rupi kavi ñaivae.

Opaete mbaraviki reta korepoti regua oyeyapovae ikaviyae iparaviki reta oguata ñogüinoi ipuere veerä omboguerayé opaete jokuae mbaerasiguasu jekopegua oasavae. Opaete kuae mbaraviki reta oyeyapoko jare oñemoiru ipuere vaerä oñeño moa mbaerasiyopia Covid-19 regua, oñeño vaerävi arire kërai yave ipuere opa oyemboepi opaete korepotiporu reta oyeyapovae, arayopoepi reta jekopegua oasavae jarevi mbaraviki reta oimeyé mbae oyeyapo vaerä. ñru rupi ñamae yave mbaereko korepoti oyemondo kuae ñanerétapevae, jaeko opaete mbaraviki reta oyeyapokavaere, Èrei katu ñru tétaguasu reta kotivae ikaviyae oë echa oyapirayé oyemboguapi oï araivo 2022 pevaegui. Jokogui oë yandevae, kuae tenondegua mboyasipe kuae arasa pegua korepotikuakuá jaeko 4,0%.

Tenonde rupi, oñearovae, aniramo kuae tekoavai oime Ucraniapevae opa oyeyapo katu yave, kuae mbae jepi reta ipuereta omboyeupika opaetei rupi kërei teko reta ojo rupi aniramo opita rupi mbaembae reta oñemee opaetei rupi. Jokoräi yave, oimeta mbae oñearo mbae oasa ojo oiko kuae ñoraroguasú oimevaepe yave, mbaembae reta jepiyaeta, ngaraa korepoti reta jendarupiño opita jare ipueretavi oata tembiu yandevae. Jokoräiñovi oñearo mburuvicha reta korepoti regua tétaguasu reta pegua ipuere vaerä oyapí kavi teko jesegua, ombokuakuá vaerä korepoti, jare oyopia reve mbae oñemee vaerä ikotiä yandeiru retape. ñru mbae ikavimbae oasa pegua, jaenungavi ñanerétaguasu, jaeko jekuaeño ova ojo oiko kuae mbaerasiguasu Covid-19, jokuae jaenungavi ipuere oyopia mbaraviki reta korepoti regua, oasateta oime yave oyekuaá ñru mbaerasiguasu kuae moa reta oñeñonovae oyapirá yave.

Oñemae yave ipueretako Bolivia ombokuakuá kavi ikorepoti reta echa oime ikavigue tape oñemae oï jesegua jaeko mbaraviki reta oyeyapokatavae echa jokuae jeta rupi oporombomboravikikata, jare jaenungavi jenda rupi kavi ñogüinoi vaerä jare ngaraavi oata oiko korepoti. Kuae jekopegua yandekorepoti ipuereta okuakuá arasa 2022pe 5,1% rupi. Jokuae ndive, jokoräi yave oñearo mbaembae jepi reta oipiti 3.3%.

Mbaraviki reta jaeramo oyeyapo jare oyekuaa oï oyemboekovia aniramo oyembogüeravae regua kuae ñanerétape jekuaeño ojo tenonde, opaete mborokuai

reta korepoti regua jekuaeñota oyoko jokuae mbaraviki reta. BCB, oyapotavi iparaviki, omaeta aniara mbaembae jepi reta oyeupi. Jokoräiñovi, oñeangareko kavita opaete ñemomburu reta oime kuaepe aniramo ikatu kotivaere aniara mbaembae reta jepi omboyeupika. Jayave, kuae Mbae Omeevae iñemongeta jaeko ipuere vaerä jenda rupi yande korepoti jepi oiko ipuere oporombori ombokukuá korepoti jare opaete ñanerëtaguasü pegua reta.

**Mbambae jepi ipuereta oyeupivae regua
(Ñejäa porcentaje rupi)**

